

四部文明

文懷沙 主編

魏晉南北朝文明卷



(三十)

陝西震旦漢唐研究院 編纂
陝西人民出版社

西安曲江文化產業投資集團支持

四部文明

文懷沙主編

魏晉南北朝文明卷

二十

陝西震旦漢唐研究院編纂
陝西人民出版社

魏晉南北朝文明卷 二十



全三國六朝文三

全齊文二十六卷

全梁文七十四卷

全陳文十八卷

全後魏文六十卷（一）（卷一至四三）

〔清〕嚴可均輯 三一—一五一

〔清〕嚴可均輯 一五三—五九六

〔清〕嚴可均輯 五九七—六九九

〔清〕嚴可均輯 七〇一—九二一

全三國六朝文三



〔清〕嚴可均輯

金
齊
文

謝雲



景印清光緒
王氏刻本



全齊文目錄

高帝 卷一至卷二

武帝 卷三至卷四

鬱林王

海陵王

明帝

東昏侯

和帝 已上卷五

文安王后

豫章王嶷

江夏王鋒

始安王遙光

文惠太子長懋 已上卷六

竟陵王子良

魚復侯子響

隨郡王子隆 已上卷七

蕭景先

蕭緬

蕭穎胄

王琨

王遂之

王珪之

王顥

王僧虔

王慈 已上卷八

全齊文目錄

王儉 卷九至卷十一

王褒

王融

王秀之

王晏

王思遠 已上卷十二至卷十三

褚淵

張沖

明僧紹

檀超

沈淵

沈沖

沈憲

李安民

謝超宗 已上卷十四

張融

王玄載

江謐

陸澄

顧測 已上卷十五

祖仲之 卷十六

柳世隆

王巨源

袁彖

垣崇祖

劉休

劉俊

劉繪 已上卷十七

虞玩之

劉璣

劉璣

劉善明

呂安國

裴昭明

劉祥 已上卷十八

孔稚珪

何昌寓 已上卷十九

徐孝嗣

周顒

王珍

劉蚪 已上卷二十

曹虎

虞棕

胡諧之

周山文

裴叔業

崔慧景

崔覺

崔偃

崔祖思

崔元祖

主彬 已上卷二十一

全齊文目錄

顧歡

宗測

陳文建 一作文建

任遐

張欣泰

司馬憲

熊襄

孔顥

蔡履 已上卷二十二

謝眺 卷二十三

王祐

劉蔓

蔡仲熊

紀德真

孔琇之

庾杲之

殷瀾

何諲之

桑惠度

顧暲之

王摛

陸厥

綦母珍之

李攜 已上卷二十四

王植

王憺之



杜元懿

荀平一作荀平

崔慰祖

王雄

謝曇濟

江祀

虞炎

虞羲

陶韶

徐景嵩

庾弘遠

謝赫已上卷二十五

闕名

敕奏議符移銘

外國

百濟國王

芮芮相

扶南國王

釋氏

那伽仙

釋玄暢

全齊文目錄

三

釋智林

釋道盛

釋弘光

釋慧琳

竺法真

釋僧嚴

釋玄光

釋氏闕名

僊道

孟景翼已上卷二十六

大凡全齊文二十六卷一百三十一人

謹按梅氏齊文紀有蕭日南者蕭曷之誤梁書曷作景避諱改今編入全梁文

全齊文卷一

烏程嚴可均校輯

高帝

帝姓蕭諱道成字紹伯小名蘭陵武進人元嘉末爲左軍中兵參軍襲父承之爵晉興縣男孝武卽位歷大司馬參軍太宰員外郎直閣中書舍人撫軍參軍建康令北軍中郎中兵參軍丁母憂起爲武烈將軍復爲建康令景和中除後軍將軍泰始初爲右軍將軍加輔國將軍除驍騎將軍封西陽縣侯遷衛軍司馬除征北司馬南東海太守行南徐州事假冠軍將軍遷南兖州刺史入拜散騎常侍太子左衛率泰豫末爲右衛將軍領衛尉元徽中加侍中平南將軍尚書左僕射尋弒蒼梧王迎立順帝進侍中司空錄尚書事驃騎大將軍封竟陵郡公假黃鉞進太尉都督南徐等十六州諸軍事進都督中外諸軍事

全齊文卷一

高帝

太傅領揚州牧昇明三年三月進相國總百揆封齊公加九錫四月進爵爲王受禪改元建元在位四年諡曰高皇帝廟號太祖

卽位改元大赦詔建元元年四月

五德更紹帝迹所以代昌三正迭隆王度所以改耀世有質文時或因革其資元膺麻經道振民固以異術同揆殊流共貫者矣朕以寡昧屬值艱季推肆勤之誠藉樂治之數賢能悉心士民致力用獲拯溺龕暴一匡天下業未參古功殆侔昔宋氏以陵夷有徵麻數攸及思弘樂推永鑒崇替爰集天祿於朕躬惟志菲薄辭弗獲昭遂欽從天人式繇景命祇月正於文祖升禪鬯於上帝猥以寡德光宅四海纂革代之蹤託王公之上若涉淵水罔知所濟寶祚初啟洪慶惟新思俾利澤宣被億兆可赦天下改昇明三年爲建元元年賜人爵二級文武進位二等鰥寡孤獨不能自存者數

人五斛逋租宿債勿復收有犯鄉論清議贓汙淫盜一皆蕩除洗除先注與之更始長徒赦繫之囚特皆原遣亡官失爵禁錮奪勞一依舊典南齊書高帝紀下

降封宋世公侯詔

繼世象賢列代盛典疇庸嗣美前載令圖宋氏通侯乃宜隨運省替但欽德懷義尙表墳閭況功濟區夏道光民俗者哉降差之典宜遵往制南康縣公華容縣公可爲侯萍鄉縣侯可爲伯減戶有差以繼劉穆之王弘何無忌後南齊書高帝紀下

慶省詔

宸運肇創寶命惟新宜弘慶有廣敷蠲汰劫賊餘口沒在臺府者悉原赦諸負豐流徙普聽還本土南齊書高帝紀下

下二宮諸王詔

自廬井毀制農桑易業鹽鐵妨民貨鬻傷治歷代成俗流蠹歲滋

全齊文卷一

高帝

二

援拯遺弊革未反本使公不專利氓無失業二宮諸王悉不得營立屯邸封略山湖大官池籓宮停稅入優量省置南齊書高帝紀下

宋世有功者仍本封詔建元元年五月

宸運革命引爵改封宋氏第秩雖宜省替其有預効屯夷宣力齊業者一仍本封無所減降南齊書高帝紀下

斷眾募詔

設募取將懸賞購士蓋出權宜非曰恆制頃世艱險浸以成俗且長逋逸開罪山湖是爲黥刑不辱亡竄無咎自今以後可斷眾募南齊書高帝紀下

卹枯骸毀觀詔建元元年六月

宋末頻年戎寇兼災疾凋損或枯骸不收毀觀莫掩宜速宣下埋藏營卹若標題猶存姓字可識可卽運載致還本鄉南齊書高帝紀下

宣撫交州詔建元元年七月

交趾比景獨隔書朔斯乃前運方季負海不朝因迷遂往歸款莫
由曲赦交州部內李叔獻一人即撫南士文武詳才選用並遣大
使宣揚朝恩南齊書高帝紀下

甄敘遺才詔建元元年十月

朕嬰綴世務三十餘歲險阻艱難備嘗之矣末路屯夷戎車歲駕
誠藉時來之運實資士民之力宋元徽二年以來諸從軍得官者
未悉蒙祿可催速下訪隨正即給才堪餘任者訪洗量序若四州
士庶本鄉淪陷簿籍不存尋校無所可聽州郡保押從實除奏荒
遠關中正者特許據軍簿奏除或戍扞邊役末由旋反聽於同軍
各立五保所隸有司時為言列南齊書高帝紀下

詔報夏侯恭叔

與運隆替自古有之朝議已定不容復厝意也南齊書劉俊傳太
參軍夏侯恭叔上書以柳元景中興功臣劉顯身王事宜存封爵詔云云

臣劉顯身王事宜存封爵詔云云

全齊文卷一 高帝

三

與褚淵手詔建元元年

向見世隆毀瘠過甚殆欲不可復識非直使人惻然實亦世珍國
寶也南齊書柳世隆傳

答陳顯達詔建元元年

朝廷爵人以序卿忠發萬里信誓如期雖屠城殄國之勳無以相
加此而不賞典章何在若必未宜爾吾終不妄授於卿數示意同
家人豈止於君臣邪過明與王李俱祗召也南齊書陳顯達傳

手詔賜張融衣

見卿衣服麤故誠乃素懷有本文爾藍縷亦虧朝望今送一通故
衣意謂雖故乃勝新也是吾所著已令裁減稱卿之體並履一量

南齊書張融傳

原王遜詔建元初

儉門世載德竭誠佐命特降刑書宥遜南齊書王儉傳弟遜建元初為晉陵太守有怨言

中丞陸澄依事舉奏下詔

以豫章王疑為荆湘二州刺史詔建元元年

神牧總司王畿誠為治要荆楚鎮馭遐遠任寄弘隆自頃公私凋
盡緩撫之宜尤重恆日復以為都督荆湘雍益梁益南北秦八州
諸軍事南蠻校尉荆湘二州刺史持節侍中將軍開府如故南齊書豫章王

章王

陸澄傳

下陸澄詔建元元年

澄表據多謬不足深劾可白衣領職南齊書陸澄傳

授加羅國王荷知詔建元元年

量廣始登遠夷治化加羅王荷知款關海外奉贄東還可授輔國
將軍本國王南齊書東

詔答河南王拾寅建元元年

皇帝敬問使持節散騎常侍都督西秦河沙三州諸軍事車騎大

將軍開府儀同三司領護羌校尉西秦河二州刺史新除驃騎大

將軍河南王寶命革授爰集朕躬猥當大業祇惕兼懷夏中增感
王世武至得元徽五年五月二十一日表聞之溼熱想比平安又

全齊文卷一 高帝

四

卿款誠遙著保監遐邇今詔升徽號以酬忠款遣王世武銜命拜

授又仍使王世武等往苻苻想即省遣使得時達又奏所上馬等

物悉至今往別牒錦絳紫碧綠黃青等紋各十四匹南齊書河南王

即吐谷渾

下葭蘆鎮主楊廣香詔建元元年

昔絕國入贊美稱前冊殊俗內款聲流往記偽虜葭蘆鎮主陰平

郡公楊廣香怨結同族疊起親黨當宋之世遂舉地降敵葭蘆失

守華陽暫驚近單使先馳宣揚皇威廣香等追其遠世之誠仰惟

新之化肉袒請附復地千里氏羌雜種咸同歸從宜時領納厚加

優卹廣香翻迷反正可特量所授部曲酋豪隨名酬賞南齊書

氏羌傳

試讀結束，需要全本PDF請購買 www.ertongbook.com

徵明僧紹詔 建元元年冬

朕側席思士載懷塵外齊郡明僧紹標志高栖耽情墳素幽貞之操宜加賁飾徵爲正員外郎南齊書明僧紹傳

下顧歡劉思効詔

朕夙日惟冀思弘治道佇夢巖濱垂精管庫肝食縈懷其勤至矣吳郡顧歡散騎郎劉思効或至自巨圖或越在冗位竝能獻書金門薦辭鳳闕辨章治體有協朕心今出其表外可詳擇所宜以時敷奏歡近已加旒賁思効可付選銓序以顯讜言南齊書顧歡傳

谷劉休詔 建元初

卿職當國司以威裁爲本而忽憚世諂卿便應辭之如事可獲何情晚節邪南齊書劉休傳

遣還流徙詔 建元二年二月

江西北民避難流徙者制遣還本土蠲今年租稅單貧及孤老不能自存者即聽番籍郡縣押領南齊書高帝紀下

全齊文卷一 高帝

五

除宥詔 建元二年六月

昔歲水旱曲赦丹陽二吳義興四郡遭水尤劇之縣元年以前三調未充虛列已畢官長局吏應共償備外詳所除宥南齊書高帝紀下

詔朝臣 建元二年

黃籍民之大紀國之治端自頃氓俗巧僞爲日已久至乃竊注爵位盜易年月增損三狀買襲萬端或戶存而文書已絕或人在而反託死叛停私而云隸役身強而稱六疾編戶齊家少不如此皆政之巨蠹教之深疵比年雖卻籍改書終無得實若約之以刑則民僞已遠若緩之以德則勝殘未易卿諸賢竝深明治體可各獻嘉謀以振澆化又臺訪訪募此制不近優刻素定開劇有常宋元嘉以前茲役恆滿大明以後樂補稍絕或緣寇難頻起軍蔭易多民庶從利投坊者寔然國經未變朝紀恆存相揆而言隆替何速

此急病之洪源暑景之切患以何科算革斯弊邪南齊書虞所之贈諡劉善明詔 建元二年

善明忠誠夙亮幹力兼宣豫經夷嶮勤績昭著不幸殞喪痛悼於懷贈左將軍豫州刺史諡烈伯南齊書劉善明傳

遣呂安國安集司州詔 建元二年

郢司之閒流雜繁廣宜竝加區判定其隸屬參詳兩州事無專任安國可暫往經理以本官使持節總荆郢諸軍北討事屯義陽西關南齊書呂安國傳

銓序垣崇祖等詔 建元二年

醜虜迭死敢寇壽春崇祖盤龍正勤義勇乘機電奮水陸斬擊填川蔽野師不淹晨西蕃剋定斯實將率用命之功文武爭伐之力凡厥勳勤宜時銓序可符列上南齊書周盤龍傳

遣李安民援徐兗詔 建元三年

全齊文卷一 高帝

六

青徐泗州義舉雲集安民可長轡遐馭指授羣師南齊書李安民傳

立學詔 建元四年正月

立國學置學生百五十人其有位樂入者五十人生年十五以上二十以還取王公已下至三將著作郎廷尉正太子舍人領護諸府司馬諮議經除敕者諸州別駕治中等見居官及罷散者子孫悉取家去都二千里爲限南齊書禮志上

南齊書高帝紀下有建元四年正月立學詔編入江淹集中

蠲復建元已來戰亡家租布雜役詔 建元四年正月

比歲申威西北義勇爭先殞氣寇場命盡王事戰亡蠲復雖有恆典主者遵用每傷簡薄建元以來戰亡賞蠲租布三十年雜役十年其不得收屍主軍保押亦同此例南齊書高帝紀下

大漸召褚淵王儉詔 建元四年三月

吾本布衣素族念不到此因藉時來遂隆大業風道沾被升平可

期遭疾彌留至於大漸公等奉太子如事吾柔遠能邇輯和內外
當令太子敦睦親戚委任賢才崇尚節儉弘宣簡惠則天下之理
盡矣死生有命夫復何言南齊書高帝紀下

全齊文卷一

高帝

七

賜進士出身二品銜廣東等處提刑按察使司按察使兼管驛傳事務黃岡王毓藻校刊

全齊文卷一終

全齊文卷二

烏程嚴可均校輯

高帝二

昇明初

敕荀伯玉

我出行日城中軍悉受長懋節度我雖不行內外直防及諸門甲

兵悉令長懋時時履行南齊書文惠太子傳

與劉懷慰手敕

有文事者必有武備今賜卿玉環刀一口南齊書劉懷慰傳齊國建以懷慰爲齊郡太守

手

敕世子蹟

三昧至性如此恐不濟汝可與共往每抑制之南史四十三武陵帝在淮陰以罪誅臺年四歲每慟吐血高帝敕武帝云云三昧臺小字也

帝在淮陰以罪誅臺年四歲每慟吐血高帝敕武帝云云三昧臺小字也

敕荅柳引

全齊文卷二

高帝

一

柏年幸可不爾爲之恨恨□□□□□□范柏年爲梁州刺史沈

誅之引稱敕太祖荅荅朝延詩爲府左史因執

手敕張岱建元元年

大邦任重乃未欲回換但總戎務殷宜須望實今用卿爲護軍加

給事中南齊書張岱傳

敕桓景眞

主衣中似有玉介導此制始自大明末後泰始尤增其麗畱此置

主衣改是興長疾源可即時打碎凡復有可異物皆宜隨例也齊書高帝紀下

敕垣崇祖修理芍陂田

建元二年

卿視吾是守江東而已邪所少者食卿但努力營田自然平殄虜

寇昔魏置典農而中都足食晉開汝潁而河汴委儲卿宜勉之南齊書垣崇祖傳

又見通典二

救給垣崇祖鼓吹

韓白何可不與眾異給鼓吹一部南史二

救劉懷慰

間道標分明來其兒婦竝在都與諸弟無復同生者凡此類無為

不多方悞之縱不全信足使豺狼疑惑南齊書薛淵傳處遣薛

淵之親近救齊郡太守劉懷慰云道標定壽春太神以道標

云令為淵書與道標示購之之意

救柳世隆建元二年

歷陽城大恐不可卒治正宜斷隔之深為保固處分百姓若不將

家守城單身亦難可委信也南齊書柳世隆傳

吾更歷陽外城若有賊至勒百姓守之故應勝割棄也同上

比思江西蕭索二豫兩辦為難議者多云省一足一於事為便吾

謂非乃乖謬卿以為云何可具以聞同上垣崇祖既破虜上

救周山圖建元二年

知卿緩邊撫戎甚有次第應變策略悉以相委恐列醜未必能送

死卿丈夫無可藉手耳南齊書周山圖傳上策虜

卿當盡相帥取理每存全重天下事唯同心力山岳可摧然用兵

當使背後無憂慮若後冷然無橫來處閉目痛打無不摧碎吾政

應鑄金待卿成勳耳若不藉此平四州非丈夫也努力自運勿令

他人得上功南齊書周山圖傳是時淮北四州起義

手救餉周盤龍安杜氏

餉周公阿杜南齊書周盤龍傳上送金釵鐲

救陳顯達建元二年

虜經破散後當無復他關理但國家邊防自應過存備豫宋元嘉

二十七年後江夏王作南充徒鎮盱眙沈司空亦以孝建初鎮彼

政當以淮上要於廣陵耳卿謂前代此處分云何今僉議皆云卿

應據彼地吾未能決乃當以擾動文武為勞若是公計不得憚之

南齊書陳顯達傳

救柳世隆建元三年

比有北信賊猶治兵在彭城年已垂盡或當未必送死然豺狼不

可以理推為備或不可懈彼郭既無關要用宜開除使去金城三

十丈政佳耳發民治之無嫌若作三千人食者已有幾米可指牒

付信還民間若有丁多而細口少者悉合戍非疑也南齊書柳世隆傳

昨夜得北使啟鍾離開賊已渡淮既新死便當制加勸撲卿好

參候之有急令諸小戍還鍾離不可賊至不覺也賊既過淮不容迴

退散要應有處送死者定攻壽陽吾當遣援軍也南齊書柳世隆傳

呂安國近在西土斷郢司二境上雜民大佳民殆無驚恐近又令

垣豫州斷其州內商得崇祖啟事已行竟近無云云殊稱前代舊

意卿視兗部中可行此事不若無所擾春便就手也南齊書柳世隆傳

救崔文仲建元三年

全齊文卷二高帝

北間起義者眾深恐良會不再至卿善獎沛中人若能一時攘袂

當遣一佳將直入也南齊書崔文仲傳

救江謐建元三年

江謐寒士誠當不得競等華儕然甚有才幹堪為委遇可遷掌史

部南齊書江謐傳

救周盤龍建元三年

甬城連口賊始復進西道便是無賊卿可率馬步下淮陰就安民

軍鍾離船少政可致衣仗數日糧軍人扶淮步下也南齊書周盤龍傳

與王珍國手救

卿愛人治國甚副吾意也梁書王珍國傳遷南譙太守

南齊書高帝紀上有昇明元年

救國內令

國內殊死以下今月十五日昧爽以前一皆原赦歸寡孤獨不能



自存者賜穀五斛府州所領亦同蕩然南齊書高帝紀上昇明二年二月丁巳下令

上表誅黃回昇明二年四月

黃回出自廝伍本無信行仰值泰始謬被驅馳階藉風雲累叨顯位及沈攸之作逆事切戎機臣聞於知人冀其搏噬遺統前鋒竟不接刃軍至郢城乘威迫脅陵掠所加必先尊貴武陵王馬器服咸被虜奪城內文武剝剔靡遺及至還都縱恣禍甚先朝御服猶有二輿弓劍遺思尚在車府回遂啟求以擬私用僭侮無厭罔顧天極又廣納逋亡多受劫盜親信此等並為爪牙觀其凶狡憂在不測惡積臯著非可含忍應加勦除以明國憲尋其變狀寔宜極法但嘗經將帥微有塵露臯疑從輕事炳前策請在降減特原餘嗣臣過荷隆寄言必罄誠謹陳管穴式遵宏典伏願聖明特垂允鑒臣思不出位誠昧甄才追言既往伏增慙慙宋書黃回傳沈攸之將帥謀應袁粲攻齊王於朝堂事既不果齊王撫之如舊至是以回終為禍亂乃上表誅之

全齊文卷二

高帝

四

與褚淵袁粲書

下官常人志不及遠隨運推斥妄踐非涯才輕任重夙宵冰惕近值國危含氣同奮況在下官靈吝身命履冒鋒炭報効恆理而袁嘉之典偏見甄沐貴登端戎秩加爵土瞻言霄衢魂神震墜下官奉上以誠率性無矯前後忝荷未嘗固讓至若今授特深惟迫寔以銜恩旨義兼陵闕識蔽防萌宗國構禍引誚歸咎既已覩顏乃復乘災求幸藉亂取貴斯實國之恥非臣子所忍也且榮不可濫寵不可昧乞蠲中候請停增邑庶保止足輪効淮湄如使伐甸奴凱歸反施以此受爵不復固辭矣南齊書褚淵傳元徽二年太

兖州增戶邑太祖固讓

與虞玩之書

張華為度支尚書事不徒然今漕藏有闕吾賢居右承已覺金粟可積也南齊書虞玩之傳元徽中為右丞時太祖參政與玩之書又見通典二十二

與江夏內史書

汝既入朝當須文武兼資人與汝意合者委以後事世隆其人也南齊書柳世隆傳朝延疑憚沈攸之密為之備太祖與世祖書

報沈攸之書

辱足下謂書交道不終為恥已足欲下便來何故多罔君子吾結髮入仕豈期遠大蓋感子路之言每不擇官而宜逮文帝之世初被聖明鑒賞及孝武之朝復蒙英主顧眄因此感激未能自反及與足下斂袂定交款著分好何嘗不勸慕古人國士之心務重前良忠貞之節至於契闊杯酒殷勤攜袖薦女成姻志相然諾義信之篤誰與聞之又乃景和陵虐事切憂畏明帝正位運同休顯啟臆論心安危豈貳元徽之季聽高道慶流言欲相討伐發威施敕已行內外于時臣子錯口道路以目吾以分交義重患難宜均犯陵白刃以相任保倖主手敕今封送相示豈不畏威念周旋之義

全齊文卷二

高帝

五

耳推此陰惠何愧懷抱不云足下猥含禍謫前遣王思文所牒朝事盡情等家國共詳衷否虛心小大必以先輪問張雍州遷代之日將欲誰擬本是逆論來事非欲代張乃封此示張激使見怒若發惑一言果與怨恨事負雅素君子所不可為況張之奉國忠亮有本情之見與意契不貳邪又張雍州啟事稱彼中蠻動兼民遭水患敕令足下思經拯之計吾亦有白論國如家布情而往每思虛達事之相接恆必猜離反謂無故遣信此乃覘察平諒之襟動則相阻傷負心期自誰作故先時足下遣信尋盟敦舊厲以篤終吾止附還白申聲情本契然遠要方固金石今日舉錯定是誰惡久言邪元徽末德執亡禮祀足下備聞無待亟述太后惟憂式遵前詔興毀之路事屬鄙躬黜昏樹明實惟前則靈宗靜國何愧前修廢立有章足下所允冠樊之譏將以何語封為郡王靈為失禮景和無名方之不愈乎龍逢自匹夫之美伊霍則社稷之臣同異

相乘非吾所受也登齋有賞壽寂已蒙之於前同謀獲功明皇亦行之於昔此則接踵成事誰敢異之謂其大收宮女劫奪天藏器械金寶必充私室必若虛設市虎亦可不翅此言若以此詐民天下豈患無眼心苟無瑕非所耿介甲杖之授事既舊典豈見有任鎮邦家勳經定主而可得出入輕單不資寵衛斯之患慮豈直身憂祇奉此恩職惟事理朱方之牧公卿僉意吾亦謂微勳之次無忝一州且魏晉舊事帝鄉蕃職何嘗豫州必曹司州必馬折膠受柱在體非愧袁粲據石頭足下無不可吾之守東府來告便謂非動容見疾頻笑入戾乃如是乎袁粲劉秉受遇深重家國既安不思撫鎮遂與足下表裏潛規據城之夜豈顧社稷幸天未長亂宗廟有靈即與褚衛軍協謀義斷以時殄滅想足下聞之悵然孤沮小兒忝侍中代來之澤遇直上臺便呼一家兩錄發不擇言良以太甚吾之方寸古列共言乃以陶庾往賢大見譏責足下自省詎

金齊文卷二

高帝

六

得以此見貽邪比蹤夷叔論吾則可行過桀黷無乃近誣哉謂吾不朝此則良誨朝之與否想更問之足下受先帝之恩施擁戎西州鼎湖之日率土載奔而宴安中流酣飲自若即懷狼望陵侮皇朝晉熙殿下以皇弟代鎮而斷割候迎罔蔑宗子驅略士馬悉以西上郢中所遺僅餘劣弱昔徵茅不入猶動義師況荆州物產雍嶭交梁之會自足下為牧薦獻何品良馬勁卒彼中不無良皮美屬商賂所聚前後貢奉多少何如唯聞太官時納飲食耳桂陽之難坐觀成敗自以雍容漢南西伯可擬賴原即天世非望亦消又招集連亡斷遏行侶治舟試艦恆以朝廷為旗的秣馬按劍常願天下有風塵為人臣者固若是邪至乃不遵制書敕下如空國恩莫行命令擁隔詔除郡縣輒自板代罷官去職禁還京師凶人出境無不千里尋躡而反募臺將來必厚加給賞太妃遣使市馬齎寶往蜀足下悉皆斷折以為私財此皆遠邇共聞暴於視聽主上

敬明當璧寓縣同慶絕域奉養萬國通書而監運百日始有單騎事存送往於此可徵不朝如此誰應受證反以見呵非所反側今乃勒兵以闢象館長戟以指魏關不亦為忠臣孝子之所痛心疾首邪賢子元珍獲免虎口及凌波西邁吾所發遣猶推素懷不畏噬嗑足下尚復滅君臣之紀況吾布衣之交乎遂事不諫既往難咎今六師西向為足下憂之南齊書張敬兒傳按周顒傳云沈則此書顒所作而其大略乃高帝口授也今故編入高帝文與王廣之書

黃回雖有微勳而罪過轉不可容近遂啟請御大小二輿為刺史服節吾乃不惜為其啟聞政恐得輿復求畫輪車此外罪不可勝數弟自悉之今啟依法南齊書王廣之傳書

吾今至破堀在路粗可尋還遲見卿不遠願信知卿深意也南齊書

金齊文卷二

高帝

七

與崔祖思書

明居士標意可重吾前旨竟未達邪小涼欲有講事卿可至彼具述吾意令與慶符俱歸

不食周粟而食周薇古猶發議在今豈得息談邪聊以為笑南齊書崔祖思傳

與王延之書

韶云卿未嘗有別意當緣劉家月旦故邪南齊書王延之傳延之都阮韶與朝士同列太祖聞其如此與延之書

譬劉悛書

承至性毀療轉之危慮深以酸怛終哀全生先王明軌豈有去嫌續徹溫席以此悲號得終其孝性邪當深願往旨少自抑勉南齊書劉悛傳

報武陵王曇首

見次二十字諸兒作中最高優者但康樂放蕩作體不辯有首尾
安仁士衡深可宗尚顏延之抑其次也南齊書武陵王曇首傳曇首
短句詩學謝靈運體以呈

報劉善明

省所獻雜語並列聖之明規眾智之深軌卿能憲章先範纂錄情
識忠款既昭淵誠肅著當以周旋無忘聽覽也南齊書劉善明傳
善明上表陳事又

又答劉善明

具卿忠讜之懷夫賞罰以懲守宰飾館以待遐荒皆古之善政吾
所宜勉更撰新禮或非易制國學之美已敕公卿宣陽門今敕停
寡德多闕思復有聞南齊書劉善明傳善明又諫起宣陽門表陳
宜明守宰賞罰立學校制齊禮廣開賓館以

全齊文卷二

高帝

八

答蕭景先

風俗淪敗二十餘年以吾當之豈得頓埽幸得數載盡力救蒼生
者必有功於萬物也治天下者雖聖人猶須良佐汝等各各自竭
不憂不治也南齊書蕭景先傳景先啟
稱上德化之美上答之

答楊公則啟經略之宜

文弘罪不可恕事中政應且加恩耳卿若能襲破白水必加厚賞
南齊書楊公則傳公則啟經略之宜上答
建元三年

答褚淵

卽位告天文

皇帝臣道成敢用玄牡昭告皇皇后帝宋帝陟鑒乾序欽若明命
以命於道成夫肇自生民樹以司牧所以闡極則天開元創物肆
茲大道天下惟公命不于常昔在虞夏受終上代粵自漢魏捐讓

全齊文卷二

高帝

九

中葉咸炳諸典謨載在方冊水德既微仍世多故寔賴道成匡拯
之功以弘濟於厥艱大造顛墜再構區宇宣禮明刑締仁緝義晷
緯凝象川岳表靈誕惟天人罔弗和會乃仰協歸運景屬與能用
集大命於茲辭德匪嗣至於累仍而羣公卿士庶尹御事爰及黎
獻至於百戎僉曰皇天眷命不可以固違人神無託不可以曠主
畏天之威敢不祗從鴻厯敬簡元辰虔奉皇符升壇受禪告類上
帝以永蒼民表式敷萬國惟明靈是饗南齊書高帝紀
又見南史四

全齊文卷二終

賜進士出身三品銜廣東等處提刑按察使司按察使兼管驛傳事務黃岡王毓藻校刊